

明活字本分四卷此為百家唐詩本
分三卷編次迥然不同蓋此本似編
年而活字本則分體也茲校正字
句就改於行間而以卷第數目標
諸每題之上俾展卷可以瞭然有
三詩為此本所佚者別錄於後

丁丑六月上浣付文友書坊重裝補記之

藏園老人

沈雲卿集卷上

賦

峽山寺賦 并序

峽山寺者名隸端州連山夾江頗有奇石飛泉
 迴落悉從枚竹下過渡口至山頂石道數層齋
 房浴室眇在雲漢神龍二年夏六月余投棄南
 回承恩北歸結纜山隅周謁精舍因為之賦焉
 山精舍端溪妙境中有紅泉分飛碧嶺若乃
 忍殿臨岸禪堂枕江桂葉薰戶蓮花照窓銀函
 印子之座金刹鳳凰之柱野鹿矯而屢馴山雞

頻舞千層古龕百仞明潭幡燈夕透枝鋒
炎光失於攢樹涼風生於高竹僊人共天
行花雨與香雲相逐法侶徘徊齋房宴開
又去怖鴿時來走何爲者竄身炎野旋旆
卽維舟山下稽首醫王誓心無常向何業而
國今何緣而赴鄉豈往過而追受將來愆而
殃即撫躬以內究幸無慝以自傷心悞辱而
知忍迹繫窮而辨方嘉爾來之放逐謂吾生之
津梁

蝴蝶賦

羗蝴蝶之可憇兮紛化育乎陽和二角六足蠕
腹狀蛾脉紺縷以玄翅點赭珠以紺窠凌獵蘭
茲噓吸蕙葩飛將進而又退兮含百態以委蛇
且綿舞而不懈兮柰衆芬其鑠何圖君子之翠
力儷綵族而星羅蒙左右之深賞况夢寐之所

加

詩

扈從出長安應制

漢宅規模壯周都景命隆西賓讓東主法駕幸
天中大史占星應春官奏日同旌門起長樂帳

殿出新豐翕習黃山下紆徐清渭東金麾張畫
月珠幘戴松風是節嚴陰始寒郊散野蓬薄霜
霑上路殘雪繞離宮賜帛矜耆老褰旒問小童
復除恩載洽望秩禮新崇臣忝承明召多慙獻
賦雄

三四

辛丑歲十月上幸長安時扈從出西嶽
作

西鎮何穹崇壯哉信靈造諸嶺皆峻秀中峯特
美好傍見巨掌存勢如石東倒頗聞首陽去開
拆此河道磅礴壓洪源魏我壯清昊雲泉紛亂

溱天磴屹宏抱子先呼其巔宮女世不老下有
府君廟歷載傳灑掃星明應天游十月成豐鎬
微末忝間從兼得事蘋藻宿心愛此山意欲拾
靈草陰壑已冰閉雲竇絕探討芬月期來過回
思方浩

登瀛州南樓寄遠

望城起麗譙憑覽出重霄茲地多形勝中天宛
寂寥四榮摩鶴鶴百拱厲風颯北際燕王館東
連秦帝橋晴光七郡滿春色兩河遙傲睨非吾
土躊躇適遠囂離居欲有贈春草寄長謠

哭蘇眉州崔司業二公并序

同時郎裴懷古者作牧潭府神龍二年秋八月
 佺期承恩北歸途中覲止訪及故舊知眉州蘇
 使君味道國子崔司業融馳旋間相次而逝蘇
 主任鳳閣侍郎佺期忝通事舍人崔重為鳳閣
 舌人佺期又遷給事並銜疇昔之眷俱荷提獎
 之恩前年負譴南荒二公先移官守迨此凶問
 情理何堪所嘆遷竄有期行邁在遠哀不展舊
 禮不申悲流慟斯文冀通幽路

渙汗天中發伶俜海外旋長沙遇太守問舊幾

人全國寶亡雙傑天才喪兩賢大名齊弱歲高
 德並中年禮樂羊叔子文章王仲宣相看尚玄
 鬢相次入黃泉流放蠻陬闊鄉關帝里偏親朋
 雲霧擁生死歲時傳崔昔揮宸翰蘇嘗濟巨川
 紆衣陪下列黃閣謬差肩及此俱冥昧云誰叙
 拙遷隼輿懷舊轍鱣館想虛筵家愛方休杵皇
 慈更徹懸銘旌西蜀路騎吹北邙田隴樹應秋
 矣江帆故杳然罷琴明月夜留劔白雲天涕泗
 湘潭水淒涼衡嶠煙古來修短分神理竟難筌

擬古離別

白水東悠悠中有西行舟舟行有返棹水去無
還流柰何生別者戚戚懷遠遊遠遊誰當惜所
悲會難收自君間芳躡青陽四五道皓月掩蘭
室光風虛蕙樓相思無明晦長歎累冬秋離居
久遲暮高駕何淹留

三十四

則天門赦改年

聖人宥天下幽鑰動園狴六甲迎黃氣三光降
紫泥籠僮上西鼓振迅廣陽雞歌舞將金帛汪
洋被遠黎

三十五

覽鏡

霏霏日搖蕙騷騷風灑蓮時芳固相奪俗態
恒堅恍惚夜川裏蹉跎朝鏡前紅顏與壯志太
息此流年

三十六

過蜀龍門

龍門非禹鑿詭怪乃天功西南出巴峽不與衆
山同長竇^短亘五里宛轉復嵌空伏湍响潛石瀑
水生輪風流水無晝夜噴薄龍門中潭河勢不
測藻葩垂綵虹我行當季月煙景共春融江關
勤亦甚巘嶸意難窮誓將息機事煉藥此山東

三十七

送盧管記僊客北伐

羽檄西北飛交城日夜圍廟堂盛徵選戎幕生
光輝鴈行度函谷馬首向金微湛湛山川暮瀟
瀟涼氣稀餞途予憫默赴敵子英威今日楊朱
淚無將灑鐵衣

雜詩四首

鐵馬三軍去金閨二月還邊愁離上國春夢失
陽關池水琉璃淨園花瑋瑋班歲華空自擲愁
怨不勝顏

落葉驚秋婦高砧促暝機蜘蛛尋月度螢火傍
人飛清鏡紅埃入孤燈綠焰微怨啼能至曉獨

自懶縫衣

妾家臨渭北春夢著遼西何苦朝鮮郡年年事
鼓鞞燕來紅壁語鶯向綠窓啼爲許長相憶關
千玉箸齊

聞道黃龍戍頻年不解兵可憐閨裏月長在漢
家營少婦今春意良人昨夜情誰能將旗鼓一
爲取龍城

夜宿七盤嶺

獨游千里外高卧七盤西山月臨窓近天河入
戶低芳春平仲綠清夜子規啼浮客空留聽裊

城間曙雞

三十九

酬楊給事兼見贈臺中

子雲推辯博公理擅詞雄始自尚書省旋聞給
事中言從温室秘籍向瑣闥道顧我從郎署慙
無章奏功分曹八舍斷解袂五時空宿昔陪餘
論平生賴擊蒙神僊應東掖雲霧限南宮忽枉
瓊瑤贈長歌蘭渚風

三十七

冬日都門送司馬貞外逸客孫貞外佺
期北征

二庭追虜騎六月動周師廟略天人授軍麾相

國持復言徵二妙才令重當時畫省連征橐橫
門共別詞雲迎出塞馬風卷度河旗計日方夷
寇旋聞杖杜詩

二十八

游少林寺

長歌游寶地徙倚對珠林鴈塔丹青古龍池歲
月深紺園澄夕霽碧殿下秋陰歸路煙霞晚山
蟬處處吟

三十一

酬蘇貞外味道夏晚寓直省中見贈

並命登僊閣分宵直禮闈大官供宿膳侍吏護
朝衣卷幔天河入開牖霧一作露微小池殘暑

退高樹晚涼歸冠劍無時釋軒車待漏飛明朝
題漢柱三署有光輝

三十三
釣竿篇

朝日歛紅煙垂竿向綠川人疑天上坐魚似鏡
中懸避檝時驚透猜鈎每誤牽湍危不理轄潭
靜欲留船釣玉君徒尚徵金我未賢爲看芳餌
下貪得會無筌

咸陽覽古

咸陽秦帝居千載坐盈虛版築林光盡壇塲雷
聽竦野橋疑望日山火類焚書唯有驪峯在空

聞厚葬餘

早發平昌島

解纜春風後鳴榔曉漲前陽鳥出海樹雲鴈下
江煙積氣衝長島浮光溢大川不能懷魏闕心
賞獨泠然

三十四
塞北二首

虜障天驕起秦城地脈分栢壇飛五將梅吹動
三軍鋒刃奔濤色旌旗燄火文朔風吹汗漫飄
礫灑輶輶海氣如秋雨邊烽似夏雲二庭無歲
月百戰有功勳形影隨魚貫音書在鴈群歸來

拜天子凱樂助南薰

胡騎犯邊埃風從丑上來五原烽火急六郡羽
書催冰壯飛狐冷霜濃候鴈哀將軍朝授鉞戰
士夜銜枚紫塞金河裏葱山鐵勒隈蓮花秋劔
發桂葉曉旗開秘略三軍動妖氛百戰摧何言
投筆去終作勒銘回

和戶部岑尚書參迹樞揆

大君制六合良佐參萬機大業永開泰臣道日

光輝和鼎食家

聲衆所歸漢章題楚劔鄭武襲緇衣理識當朝

遠文華振古稀風雲神契合舟楫道心微廟堂
喜容與時物遞芳菲御柳垂僊掖公槐覆禮闈
昔陪鷓鷯後今望鷓鷯飛徒御清風頌巴歌聊
自揮

和元舍人萬頃臨池翫月戲為新體

春風搖碧樹秋霧卷丹臺復有相宜夕池清月
正開玉流寒水動金魄度雲來熠燿光如沸翻
翻景若摧破環投積草碎壁聚流盃夜久平無
煥天晴皎未墮鏡將池作匣珠以岸為胎有美
司言暇高興獨悠哉揮翰初難擬飛名豈易陪

夜光珠在握了了見沉灰

二四十一

和中書侍郎楊再思春夜宿直

西禁青春滿南端皓月微直一作廬宵駕合五
夜曉鍾稀星斗橫綸閣天河度瑣闥煙花章奏
裏紛向夕郎飛

二四十二

和崔正諫登秋日早朝

雞鳴朝謁滿露白禁門秋爽氣臨旌戟朝光映
冕旒河宗來獻寶天子命焚裘獨負池陽議言
從建禮遊

二四十三

和洛州司士康庭芝望月有懷

天使下西樓光含萬里秋臺前疑掛鏡簾外似
縣鈞張尹將眉學斑姬取扇儔佳期應借問爲
報在刀頭

二四十四

十三四時嘗經巫峽過他日偶然有思

小度巫山峽荆南春欲分使君灘上草神女廟
前雲樹悉江中見猿多天外聞別來如夢裏一
想一氛氲

二四十五

少游荆湘因有是題

峴北焚蛟浦巴東射雉田歲時宜楚俗耆舊在
襄川憶昨經過處離今二十年因君訪生死相

識幾人全

和杜麟臺元志春情

嘉樹滿中園氛氳羅秀色不見僊山雲倚琴空
太息沉思若在夢緘怨似無憶青春坐南移白
日忽西匿蛾眉返清鏡閨中不相識

入衛作

淇上風日好紛紛沿岸多綠芳幸未歇汎濫此
明波采繁憶幽吹理棹想荆歌鬱然懷君子浩
曠將如何

餞送

任子徇遐祿結友開舊襟撰酌輟行歎指途勤
遠心秋晶澄回壑霽色肅明林曖然清軒暮浩
思非所任

同工部李侍郎適訪司馬先生子微

紫微降天僊丹地投雲藻上言華頂事中間長
生道華頂居最高大壑朝陽早長生術何妙童
顏後天老清晨朝鳳京靜夜思鴻寶憑崖飲蕙
氣過澗摘靈草人非冢已荒海變田應燥昔嘗
游此郡三霜弄溟島緒言霞上開機事塵外掃
頃來迫世務清曠木云保崎嶇待漏恩怵惕司

言造軒皇重齋拜漢武愛祈禱順風懷崆峒承
露在豐鎬冷然委輕馭復得散幽抱枉下留伯
陽儲闈登四皓聞有參同契何時一探討

三十四

同李舍人冬日集安樂公主山池

嘗聞天女貴家即帝宮連亭插宜春果山衝大
液泉橋低烏鵲夜臺起鳳凰年故事猶如此新
圖更可憐紫巖粧閣透青嶂妓臺懸峯奪香爐
巧池偷明鏡圓梅花寒待雪桂葉晚留煙興盡
方投轄金聲還復傳

三十五

送故人任括州

青春浩無際白日乃遲遲胡爲賞心客歎遇此
芳時甌粵迫茲守京闕從此辭茫茫理雲颿草
草念行期紛吾結遠佩悵餞出河湄太息東流
水盈觴難再持

三十六

枉繫二首

吾憐曾家子昔有投杼疑吾憐姬公旦非無鴟
鵂詩臣子竭忠孝君親惑讒欺萋斐離骨肉含
愁興此辭

昔日公冶長非罪遇縲繼聖人降其子弟古來歎
獨絕我無毫髮瑕苦心懷冰雪今世多秀士誰

欲繫明轍

別侍御嚴凝

七澤雲夢林三湘洞庭水自古傳剽俗有詩逋
惡子令君出使車行邁方靡靡靜言芟枳棘慎
勿傷蘭芷

送陸侍御餘慶北使

古人貴將命之子出輜軒受委當不辱隨時敢
贈言朔途際遼海春思繞轅轅安得回白日留
歡盡綠樽

洛州蕭司兵謁兄還赴洛成禮

棠棣日光輝高襟應序歸來成鴻鴈聚去作鳳
凰飛細草承輕傳驚花慘別衣灞亭春有酒岐
路惜芬菲

餞高唐州詢

弱冠相知早中年不見多生涯在王事容鬢各
蹉跎良守初分岳嘉聲卽潤河還從漢闕下傾
耳聽中和

沈雲卿集卷七

沈雲卿集卷中

詩

三三五

送韋商州弼

會府應文昌商山鎮國陽聞君監都史暫罷尚
書郎王事嗟相失情人貴不忘累年同畫省四
海接文場點翰芳春色傳杯明月光故交從此
去遙憶紫芝香

二四六

餞唐郎中洛陽令二首

一臺推往妙三史佇來修應宰鳧還集辭郎雉
少留郊筵乘落景亭傳理殘秋願以絃歌暇芝

卷第三止此

蘭想舊遊

洛陽舊出神明宰輦轂由來天地中餘邑政成何足貴因君取則四方同

送喬隨州俚

結友三十載同遊一萬里情為契闊生心由別離死拜恩前後人從宦差池起今爾歸漢東明珠報知已

同韋舍人早朝

閭闔連雲起巖廊拂霧開玉珂龍影度珠履鴈行來長樂宵鍾盡明光曉奏催一經傳舊德五

將誤將

字擢英才儼若神仙去紛從霄漢回千春奉休歷分禁喜趨陪

安樂公主移入新宅

初聞衡漢來移住斗城隈錦帳迎風轉瓊筵拂霧開馬香遺舊埽鳳吹繞新臺為問沉冥子仙槎何處回

嶽館

洞壑仙人館孤峯玉女臺空濛朝氣合窈窕夕陽開流澗含輕雨虛巖殿應薄雷正逢鸞與鶴歌舞出天來

二四 被試出塞

十年通大漠萬里出長平寒日生戈劔陰雲拂
旆旌饑鳥啼舊壘疲馬戀空城辛苦臯蘭北胡
塵損漢兵

三二六 夏日梁王席送張岐州

秦鷄常下雍周鳳昔鳴岐此地推雄撫惟良寄
在斯一作家傳七豹貴人擅八龍竒高傳生光
彩長林歎別離天人開祖席朝案候征麾翠帟
當郊敞彤檐向野披芄芃秋麥盛苒苒夏條垂
奏計何時入台階望羽儀

披誤被

二四六 李舍人山園送龐邵

符傳有光輝誼誼出帝畿東鄰借山水南陌駐
驂駢握手涼風至當歌秋日微高蟾去勿緩人
吏待施威

三二七 李貞外秦援宅觀妓

盈盈粉署郎五日宴春光選客虛前館徵聲徧
後堂玉釵翠羽飾羅袞鬱金香拂黛隨時廣挑
鬟出意長嘯歌遙合態度舞暗成行巧落梅庭
裏斜光映曉粧

四 古意呈喬補闕知之

批誤批

勿誤切

沈佺期集卷第四
七言律詩

盧家小婦鬱金香
海燕雙棲玳瑁梁
九月寒砧催木葉
十年征戍憶遼陽
白狼河北音書斷
丹鳳城南秋夜長
誰爲含愁獨不見
更教明月照流黃

獄中聞駕幸長安

傳聞聖旨向秦京
誰念羈囚滯洛城
扈從由來是方朔
爲申冤氣在長平

無事今朝來下獄
誰期十月見橫河
君看鷹隼俱能擊
爲報蜘蛛收網羅

被彈

知人昔不易舉非貴
易失爾何按國章
無罪見訶叱平生守直道
遂爲衆所嫉
少以文作吏手
不曾開律一旦法相持
荒忙意如漆
幼子雙囚圍老夫
一念室昆弟
兩三人相次俱囚
枉萬鑠當衆怒千謗
無片實庶以白黑
讒顯此涇渭質
劾吏何咆哮
晨夜聞撲扶
事間拾虛證
理外存枉筆
懷痛不見申
抱冤意難悉
窮囚多垢膩
愁坐饒蟣蝨
三日唯一飯
兩旬不再櫛
是時盛夏中
曠赫多瘵疾
瞪目眠欲閉
喑鳴氣不出
有風自扶搖
鼓蕩無倫疋
安得吹浮雲
令我見白日

三十八 移禁司刑

疇昔參鄉賦中年忝吏途丹脣曾學史白首不成儒
天子開昌籙群生偶大鑪散材仍葺夏弱羽遽搏扶寵邁
乘軒鶴榮過食稻鳧何功遊畫省何德理黃樞弔影慙非據
傾心事遠圖盜泉寧止渴惡木匪投軀任直翻多毀安身遂少徒
一朝逢紕謬三省竟無虞白簡初心屈黃紗始望孤患平終不怒
持劾每相驅埋劍誰當辯偷金以自誣誘言雖委荅流議亦真符
首夏方幽園高秋獨向隅巖城看熠燿圓戶對蜘蛛累餉

熠燿燿燿

伏程仗

唯妻子披冤是友于物情牽倚伏人事限榮枯
門客心誰在鄰交迹儻無撫襟雙涕落危坐日
憂趨聖旨垂明德冤囚豈濫誅會希恩免理終
望罪矜愚司寇宜哀獄台庭幸恤辜漢星虛詔
上容有報恩珠

傷王學士并序

王君赦者少小游洛陽吾與君隴西李子至為
友家貧倦道歲常晏如屬文毫翰吟諷所得時
會絕境長安初以器行制在蕃邸侍諸人游四
年余遭浮議下獄他日余至來知君物化嗚呼

境誤竟

穎叔享年不遐昔同爲人今先鬼錄恨吾非所
闕爾喪葬退而賦詩以哀命

閉囚斷外事昧坐半餘暮有言穎叔子亡來已
一時初聞宛不信中話涕漣漣痛哉玄夜重何
遽青春姿憶汝曾旅食屢空漚澗湄吾徒祿作
緣未厚簪斗愧相貽原憲貧無愁顏回樂自持
詔書擇才善君爲王子師寵儒名可尚論秩官
猶欺化往不復見情來安可思目絕毫翰灑耳
無歌諷期靈柩寄何處精魄今何之恨予在丹
棘不得看素旗孀妻知己歎幼子路人悲感游

二四九
同獄者歎獄中無燕

何許乘春燕多知辯夏臺三時欲併盡雙影未

嘗來食燕嫌叢棘銜泥怯死灰不如黃雀語能
雪冶長猶

寄北使非序

長安三年自考功郎中拜給事中非不曠任意
多慙沮嘗覽文章間有緣情之作明年獻春下
獄未及盡此詞被放南荒行至安海五月二十
四日遇北使因寄鄉親

按卷四第十六首爲元即秋
律後句非在出者

三十二
南省推丹地東曹貴瑣闈惠移雙管筆恩降五
時衣出入宜真選遭逢每濫飛器慙公理拙才
謝子雲微案牘遺常禮明察隔等威上台行揖
讓中禁動光輝旭日千門起初春八舍歸贈蘭
聞宿昔談樹隱芳菲何幸鹽梅處唯憂對問機
省躬知任重寧止冒榮非

三十三
神龍初廢逐南荒途出郴口北望蘇耽

山
少曾讀仙史知有蘇耽君流望來南國依然會
昔聞泊舟問耆老遙指孤山雲孤山郴郡北不

與衆山群重崖下縈映嶠嶢上糾紛碧峯泉附
落紅壁樹傍分選地今方爾昇天因可云不才
予竄迹羽化子遺芬將覽成麟鳳旋驚禦鬼文
此中迷出處含思獨氛氲

三十九
入鬼門關

昔傳瘴江路今到鬼門關土地無人老流移幾
客還自從別京洛顏鬢與衰顏夕宿含沙裏晨
行岡路間馬危千仞谷舟險萬重灣問我投何
地西南盡百蠻

三十四
度安海入龍編

嘗聞交趾郡南與貫曾連四氣分寒少三光置
日偏尉佗曾馭國翁仲久游泉邑屋遺昨在魚
鹽舊產傳楚人遙捧翟漢將下看鳶北斗崇山
掛南風漲海牽別離頻破月容鬢驟催年昆弟
推由命妻孥割付綠夢來魂尚擾愁委病空纏
虛道崩城淚明心不應天

三十三

九真山淨居寺謁無礙上人

大士生天竺分身化日南人中出煩惱山上即
伽藍小澗香為刹危峯石作龕候禪青鶴乳窺
講白猿參藤愛雲間壁花憐石下潭泉行幽供

好林掛浴衣堪弟子哀無識醫王惜未談機疑
聞不二蒙昧即朝三欲究因緣理聊寬放棄慙
超然虎溪夕雙樹下虛嵐

三十五

初達驩州二首

自昔聞銅柱行來向一年不知林邑地猶隔道
明天雨露何時及京華若箇邊思君無限淚堪
作日南泉

三十九

流子一十八命予偏不偶配遠天遂窮到遲日
最後水行儋耳國陸行雕題數魂魄游鬼門骸
骨遺鯨口夜則忍飢卧朝則抱病走搔首向南

荒拭淚看北斗何年赦書來重飲洛陽酒

三三十一

從驩州廨宅移住山間水亭贈蘇使君

遇坎卽乘流西南到火洲鬼門應苦夜瘴浦不
宜秋歲貸曾穿老朝飛鼻飲頭死生離骨肉榮
辱間朋游棄置一身在平生萬事休鷹鷂遭誤
逐豺虎怯真投憶昨京華子傷今邊地囚願陪
鸚鵡樂希並鷓鴣留日月渝鄉思煙花換客愁
幸逢蘇伯玉回借水亭幽山栢長青葢紅蕉卷
綠油乘閑無火宅因放有漁舟適越心當是居
夷迹可求古來堯禪舜何必臯驩堯

二五十一

驩州南亭夜望

昨夜南亭望分明夢洛中室家誰道別兒女案
常同忽覺猶言是沈思始悟空肝腸餘幾寸拭
淚坐春風

三三十二

赦到不得歸題江上石

客住東京裏身投南海西風煙萬里隔朝夕幾
行啼聖主謳歌洽賢臣法令齊忽聞銅柱使走
馬報金鷄棄市沾皇渥投荒漏紫泥魂疲山鶴
路心醉站鳶溪天鑿誅元惡宸慈恤遠黎五方
思寄刃萬姓喜然臍自幼輸丹懇何嘗玷白圭

承言竄遐魅雪枉間深狴墻無由謁京華豈
重躋炎方誰謂廣地盡覺天低百卉雜殊恠昆
蟲理賴睽閉藏元不蟄搖落反生莢瘧瘴因茲
苦窮愁益復迷火雲蒸毒霧陽雨濯陰霓周乘
安交趾王恭輯畫題少寬窮涸鮒猶敏觸藩羝
配宅鄰州廨斑苗接野畦山空歡鬪象江靜見
游犀翰墨思諸季裁縫憶老妻小兒應離襍幼
女未攀笄夢蝶翻無定著龜詎有倪誰能竟此
曲曲盡氣酸嘶

題椰子樹

日南椰子樹香裊出風塵叢生雕木首圓實檳
榔身玉房九霄露碧葉四時春不及塗林果移
根隨漢臣

答魑魅代書寄家人

魑魅來相問君何失帝鄉龍鍾辭北闕蹭蹬守
南荒覽鏡憐雙鬢沾衣惜萬行抱愁那去國將
老更垂裳影荅余他歲恩私宦洛陽三春給事
省五載尚書郎黃閣游鸞署青縑御史香扈巡
行太液陪宴坐明光渭北昇高苑河南板楔塲
煙花恒獻賦泉石每稱觴暇日從休澣高車映

道旁迎賓就丞相選士謁昭王侍寵言猶得承
歡謂不忘一朝貽厚譴五宅竟同防克豎曾驅
策權豪豈易當款顏因侍從接武在文章且懼
威非贊寧知心是狼身猶納履誤情爲覆盆傷
可歎緣成業非關行昧藏喜逢今改旦正朔復
歸唐河讖隨龍馬天書逐鳳凰朝容欣舊則宸
化羨初綱告善雕旌建收寃錦旆張宰臣更獻
納郡守各明揚禮樂移三統舟車會八方雲沙
降白遂秦隴獻燒當三赦重天造千推極國祥
大招思復楚役俾限惟桑漲海緣真曠崇山壓

古棠雕題連棟宇儋耳間衣裳伏枕神餘劣加
食力未疆空庭游翡翠窮巷倚桄榔緣體分殊
昔回眸宛異常吉凶恒委鄭年壽會詢唐家本
傳清白官移重掛牀上京無薄產故里絕窮莊
碧玉先時費菴頭此自將興言歎家口何處待
羸糧計吏從都出傳聞大小康降除沾二弟離
析已三房劒外懸銷骨荆南預斷腸音塵黃耳
間夢想白眉良復此單棲鶴銜雛願遠翔何堪
萬里外雲海已溟茫戚屬甘胡越聲名任糝糠
由來休憤命命也信蒼蒼獨坐尋周易清晨詠

老莊此中應悟道無問入猖狂

二十三 驩州風土不作寒食

海外無寒食春來不見錫洛陽新甲子何日是
清明花柳爭朝發軒車滿路迎帝鄉遙可念腸
斷報親情

二十四 三日獨坐驩州思憶舊游

兩京多節物三日最遨遊麗日風徐卷香塵雨
暫收紅桃初下地綠柳半垂溝童子成春服宮
人罷射鞬禊堂通漢苑解席繞秦樓束哲言談
妙張華史漢道無亭不駐馬何浦不橫舟舞簫

門度惟屏百道流金丸向鳥落芳餌接魚投
漚穢憐清淺迎祥樂獻酬靈蕝陳欲奔神藥曝
應休誰念招魂節翻爲禦魅囚朋從天外盡心
賞日南求銅柱威丹徼朱崖鎮火陬炎蒸連曉
夕瘴厲滿冬秋西水何時貸南方詎可留無人
對爐酒寧緩去鄉憂

二十五 紹隆寺并序

紹隆寺江嶺最奇去驩州城二十五里將北客
畢日游憇隨例施香回於舟中作

吾從釋迦久無上師涅槃探道三十載得道天

南端非勝適殊方起誼歸理難放棄乃良緣世
 慮不曾于香界縈北渚花龕隱南巒危昂階下
 石演漾窓中瀾雲蓋看木秀天空見藤盤處俗
 勤宴坐居貧業行壇試將有漏軀聊作無生觀
 了然究諸品彌覺靜者安

三五 從崇山向越當 并序

按九真圖崇山越當四十里杉谷起古崇山竹
 谿從道明國來於崇山北二十五里合水欵缺
 藤竹明昧有三十峯夾水直上千餘仞諸僊窟
 宅在焉

朝發崇山下暮坐越當陰西從杉谷變北上竹
 谿深竹谿道明水杉谷古崇岑差池將不合繚
 繞復相尋桂葉藏金嶼藤花閉石林天窓虛的
 的雲竇下沈沈造化功偏厚真仙迹累臨豈徒
 深怪異聊欲緩歸心

二五十二 喜赦

去歲投荒客今春肆眚歸律通幽谷暖盆舉太
 陽輝喜氣迎冤氣青衣報白衣還將合浦葉俱
 向洛城飛

二二十七 荅甯處州書

向洛城飛

書報天中赦人從海上聞九泉開白日六翮起
青雲質幸恩先貸情孤枉未分自憐涇渭別誰
與奉明君

夜泊越州逢北使

天地降雷雨放逐還國都重以風朝事年月戒
回艫容顏荒外老心想域中愚憇泊在茲夜炎
雲逐斗樞颺颺縈海若霹靂耿天吳鼉抃群島
失鯨吞衆流輸偶逢金華使握手淚相濡飢共
噬齊棗眠共席秦蒲旣北思攸濟將南睿所圖
往來固無咎何忽憚前桴

攸誤收

遥同杜員外審言過嶺

天長地闊隴頭分去國離家見白雲洛浦肝腸
無用說崇山瘴癘不堪聞南浮漲海人何處北
望衡陽鴈幾群兩地江山萬餘里何時重謁聖
明君

沈雲卿集卷中

沈雲卿集卷下

詩

霹靂引

歲七月火伏而金生客有鼓琴於門者奏霹靂
 之商聲始戛羽以騞若終扣宮而砰駘電耀耀
 兮龍躍雷闐闐兮雨冥氣鳴唅以會雅態歛翁
 以橫生有如驅千旗制五兵截荒虺斲長鯨孰
 與廣陵比意別鶴儔精而已俾我雄子魄動毅
 夫髮立懷恩不淺武義雙輯視胡若芥剪羯如
 拾豈徒慨慷中筵備羣娛之翕習哉

黃鶴

黃鶴佐丹鳳不能群白鷗拂雲遊四海弄影到
三山遙憶君軒上來下天池間明珠世不重知
有報恩環

鳳笙曲

憶昔王子晉鳳笙遊雲空揮手弄白日安能戀
青宮豈無嬋娟子結念羅幃中憐壽不貴色身
世兩無窮

有所思

君子事行役再空芳歲期美人曠延佇萬里浮

雲思園槿綻紅艷郊桑柔綠滋坐看長夏晚秋
月照羅帷

臨高臺

高臺臨廣陌車馬紛相續回首思舊鄉雲山亂
心曲遠望河流緩周看原野綠向夕林鳥還憂
來飛景促

自昌樂郡蒞流至白石嶺下行入郴州

茲山界夷夏天險一作際橫寥廓太史漏登探文
命限開鑿北流自南瀉群峯回衆壑馳波如電
騰激石似雷落崖留盤古樹澗蓄神農藥乳竇

何淋漓苔蘚更綵錯娟娟潭裏虹渺渺灘邊鶴
歲杪應流火天高雲霧薄金風吹綠梢玉露洗
紅籜滌舟始與解登踐桂陽郭匍匐緣修坂穹
窿曳長紵礙林徒阻一作往來過堰每前卻救難
不遑食飯畢昏無託一作昏濯谿寧足懼磴道
誰云惡我行湍險多山水皆不若安能獨見聞

書此讀涼谿

入少密溪

雲峯苔壁遶溪斜江路香風夾岸花木密不言
通鳥道鷄鳴始覺有人家人家更在深巖口澗

水周流宅前後遊魚瞥瞥雙釣童伐木丁丁一
樵叟自言避喧非避秦薜衣耕鑿帝堯人相留
且待雞黍熟夕卧深山蘿月春

鳳簫曲

八月涼風動高閣千金麗人捲綃幕已憐池上
歇芳菲不念君恩坐搖落世上榮華如轉蓬朝
隨阡陌暮雲中飛燕侍寢昭陽殿班姬飲恨長
信宮長信宮昭陽殿春來歌舞妾自知秋至榮
華一作君不見昔時羸女厭世氛學吹鳳簫乘
綵雲含情轉眄向蕭史千載紅顏持贈君

古歌

落葉流風向玉臺夜寒秋思洞房開水晶簾外
 金波下雲母牕前銀漢回玉階陰陰苔蘚色君
 王履綦難再得璇閨窈窕秋夜長繡戶徘徊明
 月光燕姬綵帳芙蓉色秦女金爐蘭麝香北斗
 七星橫夜半清歌一曲斷君腸

二 銅雀臺
 五 詩

卷第一止此
 沈佺期集卷第二

長門怨

月皎風泠泠長門次掖庭玉階聞墜葉羅幌見
 飛螢清露凝珠綴流塵下翠屏妾心君未察愁
 嘆劇繁星

巫山高

巫山高不極合沓狀奇新暗谷疑風雨陰崖若
 鬼神月明三峽曉潮滿九江春為問陽臺客應
 知入夢人

九日侍宴應制得長字

御氣幸金方憑高薦羽觴魏文頒菊蕊漢武賜

莫囊去鶴留笙吹歸鴻識舞行一作秋變銅池
臣驩一作重九慶日月奉天長

樂城白鶴寺

碧海開龍藏青雲起鴈堂潮聲迎法鼓雨氣濕
天香樹接前山暗溪承瀑水涼無言誦居遠清
靜得空王

三日禁園侍宴初學記作黎園亭侍宴

九重馳道出上巳禊堂開畫鷁中川動青龍上
苑來野花飄御座河柳拂天杯日晚迎祥處笙
鏞下帝臺

仙萼亭初成侍宴應制

山中氣色和宸賞第中過輦路披仙掌惟宮拂
帝蘿泉臨香澗落峯入翠雲多無異登玄圃東
南望白河

隴頭水

隴山飛落葉隴鴈度寒天愁見三秋水分爲兩
地泉西流入羗郡東下向秦川征客重回首肝
腸空自憐

關山月

漢月生遼海臙臙出半暉合昏玄菟郡中夜白

登圍暈落關山迥光含霜霰微將軍聽曉角戩
馬欲南歸

二十七 折楊柳

玉窓朝日映羅帳春風吹拭淚攀楊柳長條踈
地垂白花飛歷亂黃鳥思參差妾自肝腸斷傍
人那得知

二十六 紫騮馬

青玉紫騮鞍驕多影屢盤荷君能剪拂躑躅噴
桑乾踈足追奔易長鳴遇賞難捩金一萬里霜
露不辭寒

二十九 上之回

制書下關右天子問回中壇墠經過遠威儀侍
從雄黃麾搖晝日青憶曳松風迴望甘泉道龍
山隱漢宮

三十 和常州崔使君寒食夜

聞道清明近春闌向夕闌行遊晝不厭風物夜
宜看斗柄更初轉梅香暗裏殘無勞秉華燭晴
月在南端

三十一 歲夜安樂公主滿月侍宴

除夜子星迴天孫滿月盃詠歌麟趾合簫管鳳

雛來歲炬常然桂春盤預拆梅聖皇千萬壽垂
曉御樓開一作御明臺

二二二 奉和洛陽翫雪應制

周王甲子旦漢后德陽宮灑瑞天庭裏驚春御
苑中氛氲生浩氣颺沓舞回風宸藻光盈尺賡
歌樂歲豐

二二三 幸梨園亭觀打球應制

今春芳苑遊接武上瓊樓宛轉縈香騎飄飄拂
畫毬俯身迎未落迴轡逐傍流祗為看花鳥時
時誤失籌

迎誤抑

二二四 送金城公主適西番應制

金榜扶丹掖銀河屬紫闈那堪將鳳女還以嫁
烏孫玉就歌中怨珠辭掌上恩西戎非我匹明
主至公存

二二五 洛陽道

九門開洛邑雙闕對河橋白日青春道軒裳半
下朝乘羊稚子看拾翠美人嬌行樂歸恒晚香
塵撲地遙

二二六 驄馬

西北五花驄來時道向東四蹄碧玉片雙眼黃

金瞳鞍上留明月
嘶間動朔風
借君馳沛艾
一戰取雲中

天官崔侍郎夫人盧氏輓歌

借老言何謬
香魂事永違
潘魚從此隔
陳鳳宛然飛
埋鏡泉中暗
藏鐙地下微
猶憑少君術
彷彿覩容輝

章懷太子靖妃輓詞

彤史佳聲載
青宮懿範留
形將鸞鏡隱
魂伴鳳笙遊
送馬嘶殘日
新螢落晚秋
不知蒿里曙
空見隴雲愁

白蓮花亭侍宴應制

九日陪天仗
三秋幸禁林
霜威變綠樹
雲氣落青岑
水殿黃花合
山亭絳葉深
朱旗夾小徑
寶馬駐青潯
苑吏收寒果
饔人膳野禽
承歡不覺暝
遙響素秋砧

巳日板楔渭濱

寶馬香車清渭濱
紅桃碧柳楔堂春
皇情尚憶垂竿佐
天祚先呈捧劔人

奉和聖制幸韋嗣立山莊應制

東山朝日翠屏開
北闕晴空綵仗來
喜遇天文

七曜動少微今夜近一作三台

四十九 却山

北却山上列墳塋萬古千秋對洛城城中日夕
歌鍾起山上一作唯聞松栢聲

四十九 夜宴安樂公主宅

淮龍門外王家親鳴鳳樓中天上人自有金盃
迎甲夜還將綺席代陽春

三四 仙萼池亭侍宴應制

步輦尋丹嶂行宮在翠微川長看鳥滅谷轉聽
猿稀天蹬扶階迥雲泉透戶飛閑花開石竹幽

葉吐薔薇徑狹難留騎亭寒欲進衣白龜來獻
壽仙吹反彤闈

三五 奉和晦日幸昆明池

法駕乘春轉神池象漢迴雙星遺舊石孤月隱
殘灰戰鷁逢時去恩魚望幸來山花緹騎遶堤
柳慢城開思逸橫汾唱歌流宴鎬杯微臣彫朽
質羞覩豫章材

三六 奉和聖制幸禮部尚書竇希玠宅

北闕垂旒暇南宮聽禮迴天臨祥鳳轉恩向躍
龍開蘭氣熏一作承仙帳榴花引御盃水從金穴

吐雲是玉衣來池影搖歌席林香散舞臺不知
行漏晚清蹕尚徘徊

三六

奉和幸韋嗣立山門莊侍宴應制

鼎臣休翰隙方外結遐心別業青霞境孤潭碧
樹林每遷東墅策遙弄北溪琴帝幸行時豫台
園賞歲陰移鑿明月沼張樂白雲岑御柏瑤觥
落仙壇竹徑深三章縣聖藻五等冠朝簪自愧
承恩盛咸言獨在今

三九

昆明池侍宴應制

武帝伐昆明穿池習五兵水同河漢在館有豫

章名我后光天德垂衣文教成黷兵非帝念勞
物豈皇情春仗過鯨沼雲旗出鳳城靈魚銜寶
躍仙女廢機迎柳拂旌門暗蘭依帳殿生還如
流水曲日晚櫂歌聲

三十三

初冬從幸漢故青門應制

漢王建都邑渭水對青門朝市俱東逝墳陵共
北原荒涼蕭相關蕪沒邵平園全盛今何在英
雄復重論故基仍岳立遺堞尚雲屯當極土功
壯安知人力煩天遊戒東首懷昔駐龍軒何必
金湯固無如道德藩微臣諒多幸叅乘偶殊恩

預此陳古事敢奏興亡言

三十七

哭道士劉無得

聞有玄都客成仙不易祈蓬萊向清淺
桃杏欲芳菲縮地黃泉出昇天白日飛
少微星夜落高掌露朝晞吐甲龍應出
銜符鳥自飛國人思負局天子惜披衣
花月留丹洞琴笙下翠微嗟來子桑扈
爾獨返於幾

四二

龍池篇

龍池濯龍龍已飛龍德先天天不違
池開天漢分黃道龍向天門入紫微
邸第樓臺多氣色君

王是鴈有光輝為報寰中百川水來朝
此地莫東歸

四三

興慶池侍宴應制

碧水澄潭映遠空紫雲香駕御微風
漢家城闕疑天上秦地山川似鏡中
向浦迴舟萍已綠分林蔽殿槿初紅
古來徒羨橫汾賞今日宸遊聖藻雄

四四

侍宴安樂公主新宅應制

皇家貴王好神仙別業初開雲漢邊
山出盡如鳴鳳嶺池成不讓飲龍川
粧樓翠幌教春住舞

閣金鋪借日懸敬從乘輿來此地稱觴獻壽樂
鈞天

四六 奉和春日幸望春宮應制

芳郊綠樹一作野散春晴復道離宮煙霧生楊柳
千條花欲綻蒲萄百丈蔓初縈林香酒氣元相
入鳥嘯歌聲各自成定是風光牽宿醉來晨復
得幸昆明

四七 奉和立春遊苑迎春

東郊暫轉迎春仗上苑初飛行慶杯風射蛟冰
千片斷氣衝魚鑰九關開林中覓草纔生蕙殿

稟爭花併是梅詞吹銜恩歸路晚棲烏半下鳳
城來

四八 從幸香山寺應制

南山奕奕通丹禁北闕峨峨連翠雲嶺上樓臺
千地起城中鍾鼓四天聞旃檀曉閣金輿度鸚
鵡晴林綵毳分願以醍醐叅聖酒還將祇苑當
秋汾

四九 紅樓苑應制

紅樓疑見白毫光寺逼宸居福盛唐支遁愛山
情漫切曇摩泛海路空長經聲夜息聞天語爐

氣晨飄接御香誰謂此中難可到自憐深院得
徊翔

四

再入道場紀事應制

南方歸去再生天內殿今年異昔年見闢乾坤
新定位看題日月更高縣行隨香輦登仙路坐
近爐煙講法筵自喜恩深陪侍從兩朝長在聖
人前

四十一

嵩山石淙侍宴應制

金輿旦下綠雲衢彩殿晴臨碧澗隅溪水泠泠
逐行漏山煙片片引香爐仙人六膳調神鼎玉

女三漿捧帝壺自惜汾陽紆道駕無如太室覽
真圖

四十二

和上巳連寒食有懷京洛

天津御柳碧遙遙軒騎相從半下朝行樂光輝
寒食倍太平歌舞晚春饒紅粧樓下東迴輦青
草洲邊南度橋坐見司空掃西第看君侍從落
花朝

四十四

人日重宴大明宮恩賜彩縷人勝應制

拂旦鷄鳴仙衛陳憑高龍首帝城春千官黼帳
盃前壽百福香奩勝裏人山鳥初來猶怯轉林

花未發已偷新天文正應韶光轉設報縣知用
此辰

四十五 書絕句
寒食

普天皆滅燄匝地盡藏煙不知何處火來就客
心然

沈雲卿集卷下

二五
幸白鹿觀應制

紫鳳真人劫班龍太上家天流芝蓋下山轉桂
旗斜聖藻垂寒露仙杯落晚霞唯應問王母桃
作幾時花

四五
奉和春初幸太平公主南莊應制

主家山第早春歸御輦春遊繞翠微買地鋪金
曾作埽尋河取石舊支機雲間樹色干花滿竹
裏泉聲百道飛自有神仙鳴鳳曲併將歌舞報
恩暉

四十三
獄中聞駕幸長安

無事今朝來下獄誰期十月是橫河君看鷹隼
俱堪繫為報蜘蛛收網羅

